

四庫全書

史部

欽定四庫全書

史部

欽定熱河志卷七十四至七

詳校官編修臣曹城

檢討臣德生覆勘

總校官舉人臣章維桓

校對官編修臣戴心亨

謄錄監生臣陶嗣曾

欽定四庫全書

欽定熱河志卷七十四

學校二

順治九年二月禮部題奉

欽依刊立卧碑曉示生員朝廷建立學校選取生員免其
丁糧厚以廩膳設學院學道學官以教之各衙門以禮
相待全要養成賢才以供朝廷之用諸生皆當上報國
恩下立人品所有教條開列於後

一生員之家父母賢智者子當受教父母愚魯或有非
為者子既讀書明理當再三懇告使父母不陷於危亡
一生員立志當學為忠臣清官書史所載忠清事蹟務
須互相講究凡利國愛民之事更宜留心

一生員居心忠厚正直讀書方有實用出仕必作良吏
若心術邪刻讀書必無成就為官必取禍患行害人之
事者往往自殺其身常宜思省

一生員不可干求官長交結勢要希圖進身若果心善

德上天知之必加以福

一生員當愛身忍性凡有司官衙門不可輕入即有切已之事止許家人代告不許干與他人詞訟他人亦不許牽生員作證

一為學當尊敬先生若講說皆須誠心聽受如有未明從容再問毋妄行辯難為師者亦當盡心教訓勿致怠惰

一軍民一切利病不許生員上書陳言如有一言建白

以違制論黜革治罪

一生員不許糾黨多人立盟結社把持官府武斷鄉曲所作文字不許妄行刊刻違者聽提調官治罪

康熙四十一年正月奉

上諭國家建立學校原以興行教化作育人才典至渥也朕臨馭以來隆重師儒加意庠序近復慎簡學使釐剔弊端務期風教修明賢才蔚起庶幾棧樸作人之意乃比來士習未端儒教罕著雖因內外臣工奉行未能盡

善亦由爾諸生積錮已久猝難改易之故也茲特親製
訓言再加警飭爾諸生其敬聽之從來學者先立品行
次及文學學術事功源委有叙爾諸生幼聞庭訓長立
宮牆朝夕誦讀寧無講究必也躬修實踐砥礪廉隅敦
孝順以事親秉忠貞以立志窮經考義勿雜荒誕之談
取友親師悉化僞盈之氣文章歸於醇雅毋事浮
華軌度式於規繩最防蕩軼子衿佻達自昔所譏苟行
止有虧雖讀書何益若夫宅心弗淑行已多愆或蜚語

流言脇制官長或隱糧包訟出入公門或唆撥奸猾欺孤凌弱或招呼朋類結社要盟乃如之人名教不容鄉黨弗齒縱倖逃褫扑濫竊章縫返之於裘寧無愧乎況乎鄉會科名乃掄才大典關係尤鉅士子果有真才實學何患困不逢年顧乃標榜虛名暗通聲氣夤緣詭遇罔顧身家又或改竄鄉貫希圖進取巽陵騰沸網利營私種種弊情深可痛恨且夫士子出身之始尤貴以正若茲厥初拜獻便已作奸犯科則異時敗檢踰閑何所

不至又安望其秉公持正為國家宣猷樹績膺後先疏
附之選哉朕用嘉惠爾等故不禁反復惓惓茲訓言頒
到爾等務共體朕心恪遵明訓一切痛加改省爭自濯
磨積行勤學以圖上進國家三年登造束帛弓旌不特
爾身有榮即爾祖父亦增光寵矣逢時得志寧俟他求
哉若仍視為具文玩愒勿做毀方躍冶暴棄自甘則是
爾等冥頑無知終不能率教也既負栽培復干咎戾王
章具在朕亦不能為爾等寬矣自茲以往內而國學外

而直省鄉校凡學臣師長皆有司鐸之責者並宜傳集諸生多方董勸以副朕懷否則職業弗修咎亦難逭勿謂朕言之不預也爾多士尚敬聽之哉

雍正五年三月禮部奏會試舉人叨荷

特恩合詞陳謝奉

上諭朕視天下萬民皆為一體況讀書鄉薦之人異日俱可作朕股肱耳目是以朕心待之實有一體聯屬愛養培護即如自厚其身此皆出於中心之自然並非欲邀

天下士子之感頌也今舉子等以會試叨荷特恩合詞
陳謝是尚不能深悉朕一體相關之意而存上下彼此
之形跡矣朕待天下惟有一誠而崇儒重道之心尤為
篤切但所崇者皆真儒所重者皆正道若徒尚虛文邀
取名譽致貽世道人心之害朕不忍為也爾等讀書之
人實四民之所觀瞻風俗之所維繫果能誦法聖賢躬
修實踐宅心正直行己端方則通籍於朝必能為國家
宣猷樹績膺棟梁之選即退處鄉閭亦必能教孝勸忠

為衆人之坊表故士習既端而人心尚有不正風俗尚有不淳者無是理也爾等既感朕恩即當仰體朕心恪遵朕訓爭自濯磨或出或處皆端人正士為國家所倚賴如此方為實心報效不在感恩奏謝之儀文也

乾隆五年十一月奉

上諭士為四民之首而太學者教化所先四方於是觀型焉比者聚生徒而教育之董以師儒舉古人之成法規條亦既詳備矣獨是科名聲利之習深入人心

積重難返士子所為汲汲皇皇者惟是之求而未嘗
有志於聖賢之道不知國家以經義取士使多士由
聖賢之言體聖賢之心正欲使之為聖賢之徒而豈
沾沾焉文藝之末哉朱子同安縣諭學者云學以為
己今之世父所以詔其子兄所以勉其弟師所以教
其弟子弟子之所以學舍科舉之業則無為也使古
人之學止於如此則凡可以得志於科舉斯已爾所
以孜孜焉愛日不倦以至於死而後已者果何為而

然哉今之士惟不知此以為苟足以應有司之求矣則無事於汲汲為也是以至於情遊而不知反終身不能有志於學而君子以為非士之罪也使教素明於上而學素講於下則士者固將有以用其力而豈有不勉之患哉諸君苟能致思於科舉之外而知古人之所以為學則將有欲罷不能者矣觀朱子此言洵古今通患夫為己二字乃入聖之門知為己則所讀之書一一有益於身心而日用事物之間存養省

察闇然自修世俗之紛華靡麗無足動念何患詞章
聲譽之能奪志哉況即為科舉亦無礙於聖賢之學
朱子云非是科舉累人人累科舉若高見遠識之士
讀聖賢之書據吾所見為文以應之得失置之度外
雖日日應舉亦不累也居今之世雖孔子復生也不
免應舉然豈能累孔子耶朱子此言即是科舉中為
己之學誠能為己則四書五經皆聖賢之精蘊體而
行之為聖賢而有餘不能為己則雖舉經義治事而

督課之亦糟粕陳言無裨實用浮偽與時文等耳故
學者莫先於辨志志於為己者聖賢之徒也志於科
名者世俗之陋也國家養育人材將用以致君澤民
治國平天下而囿於積習不能奮然求至於聖賢豈
不謬哉朕膺君師之任有厚望於諸生適讀朱子書
見其言切中士習流弊故親切為諸生言之俾司教
者知所以教而學者知所以學

謹按

訓飭士子

諭旨四通俱刻石恭列

文廟大成門內

四十四年五月

上以熱河

文廟成

特頒內府所藏周時法物十件用光俎豆依

太學例也謹具圖說如左並附以祭器樂器云

文王鼎一

寶尊一

夔鳳卣一

素洗一

雷紋爵一

叔朕簋一


蟠夔壺一

蟠夔壺一

雷紋觚一

蟬紋簋一

周文王鼎




田止文
王降

魯公作文
王尊彝

右高六寸六分深三寸耳高一寸三分濶一寸
二分口縱四寸橫五寸一分腹縱三寸四分橫四
寸三分重九十六兩

周寶尊




周寶尊

寶


右高八寸二分深六寸八分口徑六寸五分腹
圍一尺一寸九分重六十六兩

周 夔鳳卣




右通蓋高九寸六分深五寸八分口縱三寸四分
橫四寸二分腹圍一尺六寸八分重一百八兩有提
梁

周素洗



右高二寸九分深二寸八分口徑五寸九分腹
圍一尺九寸五分重二十二兩兩耳

周雷紋爵




右高六寸深三寸一分口縱五寸橫二寸四分
重十七兩兩柱三足有流有鑒

周蟠夔壺




右高九寸六分深八寸七分口徑三寸六分腹
圍二尺二寸五分重一百十二兩兩耳連環金
銀錯

周 蟠 螭 壺




右通蓋高九寸三分深五寸七分口徑四寸三分
腹圍二尺三分重一百五十兩兩耳兩鼻

周雷紋觚



右高八寸二分深五寸二分口徑五寸二分重
二十八兩

周蟬紋簋



右通蓋高六寸深二寸二分口縱五寸四分橫七寸
三分腹圍二尺一寸五分重一百六十六兩兩耳四
足

祭器

簠一百八十六豆一百八十六簋四十六簋四十
六釶二十四燈一鼠頭罇一十八爵一百三十二
皆范銅為之

樂器

鐃鐘一特磬一編鐘一編磬一應鼓一琴六瑟四
笙四簫六笛六篴四壎二排簫二柷一敔一搏拊
二麾旂一旌節二篇羽三十六

四十四年六月禮部尚書曹秀先

奏請熱河

文廟落成頒發

聖祖詩文全集

世宗詩文全集

皇上御製文初集

御製詩初二三集並

武英殿刊刻

御纂

欽定書籍詩賦時義各編奉

旨交戶部侍郎內務府總管金簡辦理貯熱河

文廟內之尊經閣

聖祖仁皇帝文集一部八函

世宗憲皇帝文集一部二函

聖諭廣訓一部一函

硃批諭旨一部十八函

御製樂善堂全集定本一部二函

御製文初集一部二函

御製詩初集一部四函

御製詩二集一部八函

御製詩三集一部八函

日知薈說一部一函

評鑑闡要一部一函

御製薩爾滸之戰書事一部一函

御纂周易折中一部一函

欽定書經傳說彙纂一部四函

欽定詩經傳說彙纂一部四函

欽定春秋傳說彙纂一部四函

日講易經解義一部一函

日講書經解義一部一函

日講春秋解義一部二函

日講禮記解義一部一函

日講四書解義一部一函

御注孝經一部一函

御定孝經集注一部一函

御定孝經衍義一部三函

御定音韻闡微一部一函

御定康熙字典一部四函

御批資治通鑑綱目一部八函

御纂性理精義一部一函

御纂朱子全書一部四函

御定子史精華一部四函

御定淵鑑類函一部二十四函

御定佩文韻府一部二十函

御定韻府拾遺一部二函

御定全唐詩一部十二函

御選古文淵鑑一部四函

御纂周易述義一部一函

御纂詩義折中一部一函

御纂春秋直解一部一函

欽定周官義疏一部七函

欽定儀禮義疏一部八函

欽定禮記義疏一部十函

御製增訂清文鑑一部八函

欽定滿洲蒙古文鑑一部四函

欽定同文韻統一部一函

欽定清漢對音字式一部一函

欽定大清會典一部四函

欽定大清會典則例一部十四函

欽定大清律例一部六函

欽定大清通禮一部一函

皇朝禮器圖一部四函

御選唐宋詩醇一部二函

欽定四書文一部三函

周易注疏一部一函

尚書注疏一部一函

毛詩注疏一部二函

左傳注疏一部二函

公羊注疏一部一函

穀梁注疏一部二函

周禮注疏一部二函

儀禮注疏一部二函

禮記注疏一部二函

論語注疏一部一函

孟子注疏一部一函

孝經注疏一部一函

爾雅注疏一部一函

史記一部四函

前漢書一部四函

後漢書一部四函

三國志一部二函

晉書一部三函

宋書一部二函

南齊書一部一函

梁書一部一函

陳書一部一函

隋書一部二函

魏書一部三函

北周書一部一函

北齊書一部一函

南史一部二函

北史一部三函

舊唐書一部六函

唐書一部五函

五代史一部一函

宋史一部十函

遼史一部一函

金史一部三函

元史一部五函

欽定明史一部十二函


通典一部六函

通志一部二十函

文獻通考一部十六函


以上共九十二部計三百七十六函

考棚圖



考棚在承德府治之西大門一座東西聽事房各
五楹二門一座東西官廳各三楹龍門一座東西
考舍各七楹考堂五楹東西辦事房各六楹後堂
五楹東西廂房各三楹照房五楹

秀峯書院圖



秀峯書院在承德府治之東大門一座東西班房
各二楹二門一座五楹東西廂房各三楹講堂五
楹

欽定熱河志卷七十四

欽定四庫全書

欽定熱河志卷七十五

藩衛一

國家奄甸萬方蒙古全部編名典屬皆藩衛也志熱
河藩衛蓋五十一旗迤東南諸部而內外扎薩克
全部不隸熱河境者弗與焉在平泉州境為喀喇
沁右翼在赤峯縣境為翁牛特左右翼其北兼及
巴林在建昌縣境為土默特左右翼奈曼其東北

兼及喀爾喀左翼諸藩部依邇塞垣宣勤奉職百
餘年來濡沐

皇化板屋農田略同內地恭讀

聖祖御製諸詠我

皇上睿什賡吟於塞外土風周諏爰度至

聖祖行圍詩所載之扎魯特部

皇上御製蒙古土風詩序所載之科爾沁部雖地居熱
河北境而壤界毗連實與內外諸扎薩克同暢

皇風其豐寧縣境之察哈爾四旗不建渠長籍同編戶
則附見兵防門不更列云志藩衛第十二

聖祖御製詩

經喀喇沁

古木蒼山路不窮霜林颯踏響秋風臨流駐蹕歸營晚
坐看旌門落照紅

行圍教漢奈曼扎魯特諸部落

農暇巡侯甸揚旌歷遠途軍容陳七萃武事講三驅永

罷防秋戍咸為首路趨晚來圍獵罷羽衛集平蕪

御製詩

過蒙古諸部

辛酉

岩華峰葉雜丹黃塞上那知道路長霜滿寒林山柿冷
煙生毳帳酪酥香伊歌度曲聞駝背羽箭翻弓射雁行
諸部賢王顙首望隨行爭羨羽林郎

風來谷口捲雲晴沙漠霜華射眼明冷逼叢林鹿聲壯
寒侵淺草馬蹄輕圍成馳射皆驍騎宴罷歡呼達網城

服食舊稱方物貢酪漿乳餅總輸誠

過蒙古諸部落

癸亥

葦室瓊廬儘可居
羊膏酥粥美何如
生來未解機關巧
渾噩猶存太古初

識路牛羊不用牽
下來羣飲碧溪泉
兒童騎馬尋亡牯
只在東溝西谷邊

咿啞知是過牛車
學種嘉禾蔓不鋤
看牧獨迴歌勅勒
射生雙獲笑軒渠

白草黃榆雁塞寒最欣初日上槍竿坂婁原芷紛含露
名目嵇含欲狀難

三冬九夏一身裘遊牧常隨清淺流羊羴馬通生意好
緩歌獨漉不知愁

小兒五歲會騎駝乳餅為糧樂則那忽落輕莎翻得意
揶揄學父舞天魔

獵罷歸來婦子圍露沾秋草鹿初肥折楊共炙傾渾脫
醉趁孤鴻馬上飛

經翁牛特部落已已

分界司林園

木蘭據各部落之中凡近遊牧之地各出人巡察入園場伐木及盜獸者適以行園

欲至興安大嶺乃翁牛特所司之地云

行園便一過同民誠有愧為穿底

教訛

塞外之地豈可計里然行時習武適同靈園上林而已獨是伐木盜獸有禁而亦未如殺人之罪云

耳部落輸誠久屏藩効力多相於禁翦伐更且謹誰何

除道心猶悚近光肩欲摩善為安畜牧永久沐恩波

經喀爾沁部落

甲戌

列帳沿岡道左迎羊羣馬酪各將誠親藩衆建堪同例

外域羈縻豈近情漫擬星辰環北極也知稼穡望西成
百年化育皆

先德繼緒心殷惕捧盈

板升

有序

蒙古語音以羶廬為格爾以土瓦屋為拜牲板升
者蓋拜牲之訛也羶廬其舊俗而土瓦屋則近代
始有之內地流民至此率仍屋處明季因以是為
苦蓋視板升儼如畏甌脫矣

韋韞毳幕禦風雨那識上棟及下宇天津啼鳥風自南
荒略漸開知室處遠漠仍少近塞多居然村落連岡阿
肉食酪漿易舊俗刀耕火種期嘉禾貧民無業利遷徙
山田易藝資生理苟勤畊鑿戒潢池到處孰非吾赤子
遐想明季非承平畏胡不已畏板升帑餉未逮持戟士
邊將邀功猶請兵邱富趙全資敵用烽火連營戲提封
惟因日引以月長安在馭輕而居重板升今日猶昔年
阡陌滋闢皆良田諸部左右屬橐鞬黎民瞻就蹕路邊

詰戎咨穡愷澤宣慎茲大寶萬葉傳

入教漢境

據嶺分疆異清塵灑道同後先咸奉職誠敬自由衷漸
見牛羊牧仍欣禾黍豐時巡慎侯度繼序念

戎功

教漢台吉彭蘇克拉錫能詩書以賜之

出守黃沙塞入趨白玉墀

命在乾清門侍直

樂曾金翕叔入侍

解吟詩

土默忒

部名雖異族類同犬牙相入分提封執役鞠膾皆虔恭
百年休息望皇風致茲豈易凜予衷

蒙古土風雜詠十二首

有序

甲戌東巡由熱河出中關即入喀爾沁境經敖漢
柰曼土默忒科爾沁諸部匝月廼至吉林所見塞
外土風多有可紀隨事命題各疏小序得七言律
詩十二首亦周爰諏度之義也

乳筭

以皮為之平底豐下而稍銳其上捋乳盛之於取

攜為便

形似罌餅製以皮渾命不慮漏卮遺牛羊幸過春艱後

塞地春寒青草未出牲畜乏食疲瘦惟春候為最艱婦子羣欣夏捫時何必雲漿

需玉斧也憐龍種繼金羈

牛馬羊乳皆資飲食而捫酒惟馬乳為佳羈其駒方可捫

其牝也本來原是其中物彼此胡然判轉移

荒田

農作非蒙古本業今承平日久所至多依山為田
既播種則四出游牧射獵秋穫乃歸耘耨之術皆
所不講俗云靠天田

本是射生游牧地即今漸亦重農田耨耘未識各勤力
豐歉惟云總賴天出逐草泉長夏裏歸臨銍艾九秋前
耕而鹵莽報鹵莽塞穡觀餘始信然

鄂博

蒙古不建祠廟山川神示著靈應者累石象山冢

懸帛以致禱報賽則植木為表謂之鄂博過者無敢犯

路口山頭壘石磷心常依處地常神雨查達復晴查達
凡祈雨祈晴皆在此蒙古謂之查達土偶人嗤木偶人引馬折旋嗔莫犯
從禽屢獲福還申春秋報賽雖荒略依約猶存土鼓豳

草囊

以草為之用代筐筥罍盎食用鉅細無所不納行汲或以貯水涉川則挾之肘間亂流以濟或謂之

皮餽飽益俗呼也

紉草為囊號庫奴

出蒙古語

精麓器用此中俱豈須錦緣

去聲

還絲綰無過茶鐺及飯盃詩句清新記耶律辯言詼譎
幸侏儒經繙四十二章過乍可因之悟幻軀

柴車

取材於山不加刻斲輪轅略具以牛駕之行則鴉
軋有聲如小舟欸乃

斲木椎輪雖太質服牛引重利偏多似機鴉軋纔鳴室

疑櫓伊吾旋渡河自是驅馳輸駿馬未教負載讓明駝
沿岡銜尾徐徐進可號山中鼓吹過

骨占

炙羊肩骨視其兆以覘吉凶猶古龜卜

爛頭爛胃蹴蔬羊取骨為占以火揚額祝便因看墨拆
心虔率可定災祥古方略異太人卜紛議非關待詔郎
不用何妨識其事至平易裏至奇藏

馬竿

生駒未就羈勒放逸不可致以長竿繫繩縻致之
蒙古最熟其技

八尺高竿繫以繩提携最制馬奔騰轡銜詭去無端逸
駒馳牽來有獨能詎祇空羣誇伯樂恰如把釣遇嚴陵
龍媒莫怨生羈絡不爾安從駿驥稱

兒版

兒生在襁褓中令卧版上韋束其兩臂倚檀廬壁
間啼則搖之徙居則懸之馳裝之後

毳幕生兒亦可憐背眠木版草提肩倒紉縱免身狼籍
卓立因成足鶻拳羶罽便為衣去聲裳具乳酥即是洗盆
錢移居那慮風霜冒襁褓呱呱馳上懸

灰簡

木削兩簡編韋聯之稍刻其中塗油而布以灰作
字畢則拭去而更布之有古漆簡之風

約束從來祇語言右行文字肇興元既成旋拭新書便
刻木塗油古質存漬竹揮非蒼頡字韋編絕豈仲尼門

分明汗簡遺風在儒士徒觀不解論

竹筆

蒙古產毫穎而未得縛筆之法削竹木漬墨作書
削竹成尖漬墨揮殊塗漆簡却同歸儘饒毛穎誰封管
恰似蒙恬未合圍荒略粗分今與昨魯魚孰辨是耶非
穹廬筆策赤書就

國語筆帖式即蒙古語筆策赤謂能書文字者驛傳每用之

郵遞

還從馬上飛

口琴

製如鐵鉗貫鐵絲其中銜齒牙間以指撥絲成聲
宛轉頓挫有箏琶韻

絃皮手撥管蘆吹口上彈琴乃鐵為宛合宮商憑兩葉
亦堪攪醪祇單絲高山流水分明在鳳尾龍唇非所知
綽爾濟歌天魔舞毳廬馬捫醉闕氏

轉經

蒙古奉佛惟謹木輪中貫鐵樞可轉動集梵經於
輪間大者支木架以手推之小者持而搖之旋轉

如風謂一轉功德與持誦一過等

卽成十二部真文轉法輪稱佛所欣孰半字還孰滿字

卽熏聞已卽成聞隨風旋轉揚黃教

蒙古謂喇嘛為黃教見必膜拜度

世娑婆遍塞垠如此翻經誠甚易釋迦何用雪山勤

冒頓行

冒頓讀墨毒其義不可曉馬遷及班顏撰注徒紛擾內
扎薩克中一旗曰土默特音近之今部落卽古部落字
謬千里差毫釐年年供役來隨園勤劬効力一月歸亦

居拜姓亦耕耦爾老爾老幼爾幼叶平城之事夢亦無
安知漢劓城牆走

蒙古田壬寅

蒙古昔種田撒種委之去謂曰靠天收秋成返刈獲叶

其去非無因或獵或考牧叶而今則不然均習耘耨務

課雨與量晴不殊三農慮然實廢牧獵斯亦忘其故青

海更甚茲飲酒安眠豫田獵牧俱懈窮番攘且懼黑帳房番

人本畏蒙古今青海蒙古耽樂圖安轉有被番人劫掠
之事而畏之經駐劄西寧大臣留保住奏聞因訓飭令

莫忘舊俗喀爾喀地冷無可事耕作牧獵尚所勤古風猶未

除新附者知耕

都爾伯特和碩特及土爾扈特皆厄魯特習耕種因撥地氣較暖地居之俾事

耕地道不齊固却額內扎薩衣食漸富庶

叶

版升圖安

居何異齊民趣隱思苟用彼豈彼先民素

蒙古語以糧廬為格爾以

土瓦為拜牲板升蓋拜牲之訛明時朵顏三衛即有此語朵顏者諾音之訛向王會汾有版升宜加防範之奏此相沿明季畏憊陋習不直一哂時即笑諭彼曰茲侍從之扎拉豐阿即板升汝亦懼之乎因將原奏擲還且明洪武初分封寧王鎮守三衛永樂靖難時尚藉其力因割地以償前勞後世不能駕馭致導額森入邊遂有土木之變我朝則中外一家所謂三衛之人皆勤耕力作與編戶齊民無異是今之蒙古實非漢唐宋明所畏

者比然向之蒙古尚有隨征
伐之事茲翻恐不得其力耳
然而鮮橫去聲行得在失間
寓中外計胥厯達者不言諭

欽定熱河志卷七十五

欽定四庫全書

欽定熱河志卷七十六

藩衛二

藩衛以熱河諸部為尤近我

皇上歲舉秋田依

光咫尺乃者

特詔國史館會同理藩院採輯各蒙古王公部落事蹟
編列表傳追闡成勞俾垂簡冊矧茲熱河近部千

里同風謹稽原始列為表志云爾

藩衛表

喀喇沁

多羅郡王 始封貝子
晉封公爵

古魯思奇布 崇德元年始封貝子
世襲順治七年晉封多羅貝勒

圖巴色楞

古魯思奇布子 順治十五年襲

班達爾沙

圖巴色楞弟康熙三年襲七年晉封

札什

班達爾沙兄康熙十一年襲

噶爾藏

北什子康熙四十二年襲後以罪削爵

色楞

多羅貝勒 始封貝子
晉封公爵

順治五年始封為 順國公世襲

奇塔特

色楞次子順治十四年襲公

伍特巴喇

奇塔特子康熙六十年襲公

善穆巴喇什

伍特巴喇弟康熙三十五年晉封為圖山貝子

僧家扎布

善穆巴喇什子康熙五十六年襲圖山貝子雍正九年晉封為多羅貝勒

鎮國公 始封貝子
晉封公爵

僧家扎布子乾隆七年襲圖山貝子十四年降頭

濟克濟特扎布 貝子

時圖靈阿子乾隆四十四年降頭襲鎮國公

輔國公

羅布藏車布登 雍正九年封輔國公

喇布坦

羅布藏車布登子乾隆九年襲

拉扎布

喇布坦子乾隆二十一年襲

公品級 始封塔布囊
後晉公爵

康熙四十四年因所部察或別置三旗封扎薩克頭等塔布囊

喀寧阿

格勒爾所養伊弟之子康熙五十九年襲

齊齊克

喀寧阿子乾隆五年襲十九年賞給公品級

瑪哈巴拉

齊齊克子乾隆十年襲

噶爾敏弟康熙五

十年襲

伊達木扎布

色楞子康熙五十
六年襲

拉特那錫第

伊達木扎布子
乾隆四年襲

乾隆七年將貝勒
分爲貝子一公一其
二子分襲

多羅貝勒初襲輔國
貝子乾隆九年

扎拉豐阿

僧衆扎布子呼圖
靈阿弟乾隆七年
襲輔國公二十年
晉封郡王以罪削
爵二十四年復封貝
子四十四年晉封貝
勒

鎮國公

初襲鎮國公晉封
貝子乾隆九年

敏珠爾拉布坦

乾隆八年封鎮國公
二十四年晉封固山
貝子

丹忠達爾扎

敏珠爾拉布坦子乾
隆二十五年降襲鎮
國公

輔國公

達穆巴

雍正九年以陣亡
追封並世襲

丹津

達穆巴子雍正
十年襲

托克托呼

丹津子乾隆十
八年襲

溫都爾呼

托克托弟乾
隆二十二年襲

翁牛特

多羅郡王

索音

崇德元年始封多
羅郡王世襲

博多和

索音孫順治二年
襲

畢禮哀達賴

博多和子順治十
八年襲

倉津

畢禮哀達賴子康
熙二十二年襲

鄂齊爾

倉津之叔雍正五
年襲

羅布藏

鄂齊爾子雍正十
一年襲

多羅貝勒

始封貝子
後晉年

東

崇德元年始封達爾
漢貝勒子世襲

肯特爾

東子順治五年襲

叟色

肯特爾弟順治十
一年襲康熙元年

晉封貝勒

額林沁

叟色子康熙二十
二年襲

額爾德布鄂齊爾

額林沁子康熙二十
六年襲

朋素克

額爾德布鄂齊爾子
雍正八年襲

諾爾布扎木素

固山貝子

額爾德尼

雍正十一年封

巴爾丹

額爾德尼子乾隆
十一年襲

土門巴彥

巴爾丹子乾隆三
十七年襲

鎮國公

噶爾瑪

國初以軍功封世襲

查罕岱

噶爾瑪子順治五年
襲

奇塔特

查罕岱子順治十六
年襲

齊旺多爾濟

奇塔特子康熙四
十一年襲

索諾木

齊旺多爾濟子康
熙四十五年襲

貢格拉布坦

索諾木子乾隆六
年襲

欽定四庫全書

齊旺

羅布敏子乾隆三
十一年襲

布達扎布

齊旺子乾隆三年
襲

旺舒克

布達扎布子乾
隆四十二年襲

朋素克子乾隆三

十一年襲

土默特

多羅貝勒

始封顯公
後晉今爵

固山貝子

始封顯公
後晉今爵

善巴

崇德元年始封鎮國公世襲

卓里克圖

善巴子順治十四年蘇康元年晉封多羅貝勒

兆圖

卓禮克圖子康熙十三年襲

額爾德木圖

兆圖子康熙十四年襲

瑪尼

額爾德木圖子康熙四十二年襲

阿喇布坦

瑪尼子康熙五十二年襲

古穆

順治五年封鎮國公康熙元年晉封固山貝子

衮齊斯扎布

古穆子康熙三十三年襲三十一以罪削爵

拉斯察布

衮齊斯扎布兄康熙三十一年襲

班第

拉斯察布子康熙三十七年襲

哈穆噶巴雅斯朗圖

班第子康熙四十九年襲

吹扎布

索諾木巴爾珠爾

阿喇布坦孫乾隆
五年襲

喀爾喀多羅

貝勒附主熟精謀

巴爾布水圖

康熙四年封世襲

索諾木

巴爾布水圖子康
熙七年襲

羅布藏達穆巴

索諾木子康熙三
十一年襲

班達林沁

羅布藏達穆巴子
康熙六十二年襲

索布多爾濟

班達林沁子乾隆
二十二年襲

哈穆喀巴雅斯呼

朗圖子乾隆三十
六年襲

色布騰洞魯布

吹扎布子乾隆三
十九年襲

漢 敖

多羅郡王

班第

崇德元年封世襲

黑爾根巴圖魯

班第子順治四年

襲

扎木素

黑爾根巴圖魯子

康熙十一年襲

垂木丕爾

扎木素子康熙四

十七年襲

垂濟拉什

垂木丕子乾隆

十五年襲

巴特瑪拉什

垂濟拉什子乾隆

多羅郡王

密濟克

順治五年封世襲康

熙五年以罪削爵

布達

密濟克克康熙五年

襲

薩木丕勒

布達子康熙十三

年襲

阿敏達賴

薩木丕勒子康熙

二十八年襲

額森孟克

阿敏達賴弟康熙

二十九年襲

達什達爾扎

額森孟克弟康熙

固貝子

初襲固公晉封王
多羅貝勒降爵

羅布藏

雍正七年封輔國

公十年以軍功封

固山貝子乾隆八

年晉封多羅貝勒

垂濟扎爾

羅布藏子乾隆十

八年降襲貝子

固山貝子

初封輔國公
後晉今爵

羅布藏什拉布

乾隆二十四年封輔

國公三十七年晉鎮

國公四十年晉封

貝子

輔國公

桑濟扎爾

乾隆十年封

三十三年癸

巴爾丹

巴特瑪拉什子乾
隆三十八年癸

三十坪癸

瓦爾達

達什達爾扎提弟根
熙四十二年癸

鄂爾追圖

瓦爾達從弟康熙
四十四年癸

拉什喇布坦

鄂爾追圖子乾隆
十三年癸

齊默特洛瓦

拉什喇布坦子乾
隆四十四年癸

奈多羅郡王

漫袞楚克

崇德元年封世襲

阿罕

袞楚克次子順治十年襲十七年以罪削爵其弟扎木山藥康熙十四年復以罪削爵以其長兄巴達里子鄂齊爾襲

扎木山

袞楚克三子阿罕弟順治十七年襲康熙十四年以罪削爵

鄂齊爾

阿罕扎木山之兄
巴達里子康熙
十四年襲

班第

鄂齊圖子康熙
二十七年襲

垂忠

班第子康熙四
十六年襲六十
年以罪削爵

阿雅拉

垂忠弟康熙
六十年襲

拉旺喇布坦

阿雅拉子乾隆
二十二年襲

巴林

多羅郡王

始封額爾公
晉封公爵

固山貝子

輔國公

初山額爾公晉王
爵後仍襲本爵

塞布騰

順治五年封輔國公
七年晉封多羅郡

滿珠習里

順治五年封世襲

林沁

乾隆八年封後當

王世襲

烏爾占

滿珠習里子康熙
十二年襲

德勒克

鄂齊爾

塞布騰子康熙七
年襲

鄂齊爾桑

林沁子乾隆二十
一年襲輔國公

那木達克

鄂齊爾子康熙二
十三年襲

烏爾占子康熙四
十五年襲

巴特瑪

烏爾衣

那木達克弟康熙
四十三年襲

鄂齊爾桑子康熙
五十八年襲

里木布

烏爾衣子雍正元
年襲後以罪削爵

諾門額爾合圖

巴特瑪子乾隆
三年襲

桑里達

里木布叔雍正八年

達色

諾門額爾合圖弟

襲

林沁

桑里達子初封滿

國公乾隆十三年

襲十九年加親王

品級

巴圖

林沁子乾隆二十

一年仍襲郡王

乾隆八年襲

三丕爾多爾濟

達色子乾隆五年襲

固山貝子

塞穆

初封固山貝子世襲

年代無考

鄂恩宗

塞穆子順治五年襲

額爾德尼

鄂恩宗子康熙二

十八年襲

扎什那木塔爾

額爾德尼子康熙

五十年襲

車林敦多克

扎什那木塔爾子乾

隆十二年襲

多爾濟拉布坦

車林敦多克子乾

隆十七年襲

喀爾喀左翼

多羅貝勒

吉木布伊爾登

康熙三年封世職

羅布藏

吉木布伊爾登子
康熙二十一年襲

采對

羅布藏子康熙四
十六年襲

噶爾桑

采對子康熙五十
八年襲

阿玉爾

噶爾桑子乾隆十
四年襲

喀喇沁

喀喇沁在平泉州

即八溝廳

建昌縣

即塔子溝廳

境內明初

以元海烏梁海

舊作兀良哈今改正

置外衛自全寧歷喜峯

近宣府曰朶顏衛地在大寧衛北永樂初以大寧地賜三衛部長遂內徙此為朶顏衛所據後併於察哈爾以地予其塔布囊是為喀喇沁我

朝天聰二年塔布囊蘇布地偕色楞等舉部歸誠編為左右翼二旗康熙四十四年又增設扎薩克一

旗凡三旗右翼旗在平泉州

即八溝廳

西北境東至土

默特右翼及教漢界西至熱河及圍場界南至平

泉州及左翼旗界北至翁牛特右翼界增設之扎

薩克一旗即在右翼之中左翼旗在建昌縣

即塔子溝

南境東至錦州府邊門界西至平泉州界南至永

平府邊牆界北至右翼旗界其封爵則有多羅郡

王多羅貝勒鎮國公輔國公頭等塔布囊公品級

諸號

多羅郡王 崇德元年始封蘇布地之子古魯思
奇布為貝子賜號多羅杜稜世襲掌右翼扎薩克
事順治七年晉封為多羅貝勒康熙七年晉封其
子班達爾沙為多羅郡王

多羅貝勒 順治五年始封色楞為鎮國公世襲
掌左翼扎薩克事康熙五十五年晉封其孫善穆
巴喇什為固山貝子雍正九年晉封善穆巴喇什
之子僧袞扎布為多羅貝勒

又乾隆七年僧袞扎布之子扎拉豐阿封為輔國公二十年晉封郡王以罪削爵二十四年復封固山貝子四十四年晉封貝勒

鎮國公 乾隆七年封僧袞扎布之子呼圖靈阿為固山貝子十四年降鎮國公四十四年呼圖靈阿之子濟克濟達扎布襲鎮國公

又乾隆八年封右翼旗之敏珠爾拉布坦為輔國公二十四年晉封固山貝子二十五年敏珠爾拉

布坦之子丹怎達爾扎降襲鎮國公

輔國公 雍正八年封右翼旗之羅布藏車布登
為輔國公雍正九年以扎薩克旗之頭等塔布囊
達穆巴陣亡追封輔國公世襲

扎薩克頭等塔布囊公品級 康熙四十四年以
格勒爾所部繁盛增至三十八佐領別置一旗封
為頭等塔布囊掌本旗扎薩克事五十九年格勒
爾所養伊弟之子喀寧阿襲乾隆十九年賞給喀

寧阿之子齊齊克公品級

按雍正十年別封喀喇沁旗屬額爾德尼為輔國公後無襲附識於此

翁牛特

翁牛特在赤峯縣

即烏蘭哈達廳

境明初為烏梁海地後

自稱翁牛特我

朝天聰七年其濟農索音偕貝勒東等舉部歸誠編為左右翼二旗右翼旗東至敖漢及左翼旗界西

至園場界南至喀喇沁右翼界北至左翼旗及克什克騰界左翼旗東至阿祿科爾沁及奈曼界西至右翼旗及克什克騰界南至敖漢界北至巴林界其封爵則有多羅郡王多羅貝勒固山貝子鎮國公諸號

多羅郡王 崇德元年始封索音為多羅杜棱郡王世襲掌右翼扎薩克事雍正五年索音之四世孫倉津以罪削爵以其叔鄂齊爾襲

鄂齊爾於康熙六十年

封輔國公尋晉封固山貝子至是襲郡王其子羅布藏於雍正五年襲爵為固山貝子十年晉封多

羅貝勒至十一年襲郡王

多羅貝勒 崇德元年始封東為多羅達爾罕岱青貝子世襲掌左翼扎薩克事康熙元年晉封其叟色為貝勒

固山貝子 雍正十一年封右翼旗之額爾德尼為固山貝子

鎮國公 國初有噶爾瑪率屬來歸且立軍功封

為鎮國公入右翼旗世襲

土默特

土默特在朝陽縣

即三座塔廳

境明初以元後烏梁海

置外衛自義州歷廣寧至遼河曰泰寧衛即以其
部長掌衛事其地本在營州衛北永樂初徙衛於
內地此為泰寧衛所據嘉靖以後小王子之裔居
此者號曰土蠻是為土默特我

朝天聰三年台吉俄木布偕塔布囊善巴等舉部歸

誠後編為左右翼二旗右翼旗東至錦州府邊門
及左翼旗西至喀喇沁右翼旗界南至喀喇沁左
翼界北至敖漢及奈曼界左翼旗東至楊柳木牧
廠界西至右翼旗界南至義州邊門界北至喀爾
喀左翼界其封爵則有多羅貝勒固山貝子諸號
其喀爾喀多羅貝勒附焉

多羅貝勒 崇德元年始封善巴為鎮國公賜號
多羅達爾罕世襲掌左翼扎薩克事康熙元年晉

封其子卓里克圖為多羅貝勒

固山貝子 順治五年封古穆為鎮國公世襲掌
右翼扎薩克事康熙元年晉封為固山貝子

喀爾喀多羅貝勒 康熙四年有喀爾喀台吉巴
爾布冰圖因喀爾喀內亂率屬來歸附入土默特
旗內封為多羅貝勒世襲

教漢

教漢在建昌縣

即塔子溝廳

北境明代為喀爾喀所據

後分與其弟號曰教漢素屬於察哈爾我

朝天聰元年其貝勒塞臣卓里克圖舉部歸誠編為
一旗其地東至奈曼界西至喀喇沁右翼界南至
土默特右翼界北至翁牛特左翼界其封爵則有
多羅郡王固山貝子輔國公諸號

多羅郡王 崇德元年始封塞臣卓里克圖之子
班第為多羅郡王世襲掌本旗扎薩克事

又國初有索諾木杜稜因察哈爾之亂率屬來歸

且立軍功順治五年始封其子密濟克為多羅郡
王世襲

固山貝子 雍正七年封固山額駙羅布藏為輔
國公十年以軍功晉封固山貝子乾隆八年晉封
多羅貝勒十八年羅布藏之子垂濟扎爾降襲貝
子

又乾隆二十四年封羅布藏什拉布為輔國公三
十七年晉鎮國公四十年晉封貝子

輔國公 乾隆十八年封桑濟扎爾為輔國公

奈曼

奈曼在朝陽縣

即三座塔廳

北境明時為喀爾喀所據

後分與其弟號曰奈曼素屬於察哈爾我

朝天聰元年其台吉袞楚克舉部歸誠編為一旗其

地東至喀爾喀左翼界西至教漢界南至土默特

界北至翁牛特界其封爵則有多羅郡王

多羅郡王 崇德元年始封袞楚克為多羅達罕

郡王世襲掌本旗扎薩克事

按康熙十四年別封奈曼旗屬烏魯木濟為固
山貝子格勒爾為輔國公並於三十七年削爵
無襲附識於此

巴林

巴林在赤峯縣即烏蘭哈達廳北境明初為烏梁海地後

為巴林部所據與喀爾喀為兄弟行素屬於察哈
爾我

朝天聰二年其貝勒塞特里偕滿珠習禮舉部歸誠
編為左右翼二旗其地東至阿祿科爾沁界西至
克什克騰界北至烏朱穆秦界南至翁牛特界其
封爵則有多羅郡王固山貝子輔國公諸號

多羅郡王 順治五年始封塞特里之子塞布騰
為輔國公七年以額駙晉封多羅郡王世襲雍正
元年其四世孫里木布以罪削爵八年以里木布
之叔輔國公桑里達襲封郡王乾隆十九年桑里

達之子林沁

恩加親王品級二十一年林沁之子巴圖仍襲郡王
固山貝子 順治五年始封滿珠習里為固山貝
子世襲

又封塞稜為固山貝子年代無考並世襲

輔國公 乾隆八年封林沁為輔國公後晉郡王

見前郡王條下

二十一年林沁之子德勒克襲輔國公

喀爾喀左翼

喀爾喀左翼在朝陽縣

即三座塔廳

東北境明時為喀

爾喀貝勒古木布伊勒登所居素屬西北扎薩克

圖汗我

朝康熙三年舉部歸誠編為一旗稱喀爾喀左翼其地東至科爾沁界西至奈曼界南至土默特界北至扎魯特界其封爵則有多羅貝勒

多羅貝勒 康熙三年始封古木布伊勒登為多羅貝勒世襲

欽定熱河志卷七十六

欽定四庫全書

欽定熱河志卷七十七

寺廟一

寺廟之在

山莊內者靈山寶地

聖蹟留貽如永佑寺所以推

恩薦福水月菴諸寺廟所以垂示勝因也其在

山莊外者覲揚

祖烈輪奐如新諸藩虔構精廬延洪錫羨則溥仁溥善之
建自康熙癸巳始我

皇上繼

武延祺武成再告絕徼歸誠則有昔寧安遠諸刹之建而

普陀宗乘尤為莊嚴鉅麗當秋獮

駐蹕諸部臚歡瞻禮咸仰

光華乃者班禪額爾德尼來

覲祝

釐特建須彌福壽之廟琳宮屹峙勝槩益增洵乎會八部龍天而讚誦遍百神河嶽以皈依矣至於叢祠名利祀典猶存碑篆未泯其在承德府境內者如前燕之龍翔寺北魏之堯祠白鹿山祠遼之卧佛金之三學元之鎮國林泉諸寺稽之史冊足資攷證者今並載於篇志寺廟第十三

欽定四庫全書

欽定熱河志卷七十七

寺廟一

永佑寺

水月菴

永佑寺



永佑寺 在山莊內萬樹園乾隆十六年建南嚮

聯額皆

御書門外樹坊三中曰仁壽世界曰慈悲法門東曰法

瞻龍象曰錫振雷音西曰優曇耀采曰簷蔔霏香

門三楹額曰永佑寺入門前殿五楹供彌陀佛額

曰住世慈緣聯曰得現一切色身善應常修智方

便成就甚深慧力普明獨證法圓通丹墀刻碑二

恭鐫

御製碑文左一通前清文後蒙古文右一通前漢文後
西番文後為寶輪殿五楹供三世佛八大菩薩額
曰法雲真際聯曰松磴雲開宛呈真實相蓮池月
朗長印妙明心配殿東曰妙覺西曰慧昭又後殿
五楹供無量壽佛額曰身心平等配殿東曰普惠
西曰廣仁其東為能仁殿額曰無畏清涼聯曰凡
有為中皆幻相到無心處是真禪後殿之北拔地
寧天為舍利塔額曰妙蓮湧座八方各有聯南曰

佛幢結髮安禪竟僧帽披雲禮梵初東南曰觚稜
日上槃承露鈴鐸風迴座散花東曰屹峙鍾峯標
宰堵分流濡水指神州東北曰浮圖彩煥神明舍
塞苑祥開納鉢天北曰戶外七星羅玉宇園中萬
樹拱珠標西北曰積雪全消橫遠嶺浮雲淨卷俯
高樓西曰夕靄明邊雁臺出晨霞起處驚峯來西
南曰挂簷新月叅三點射角明河映九層塔凡九
層層各有額曰初禪精進曰二諦超宗曰三乘臻

上曰四花寶積曰五智會因曰六通普證曰七果
圓成曰八部護持曰九天香界第一層東北壁恭
刻

御製詩塔後豐碑屹立面南鐫

御製永佑寺舍利塔記面北鐫

御製避暑山莊百韻詩并序面塔殿三楹聯曰軒庭懸

舜日岩壑蔚龍光上有樓正中恭奉

聖祖仁皇帝御容

上每至山莊必先詣展拜乾隆二十七年秋八月二十三日恭遇

世宗憲皇帝諱辰

上思慕齋居情殷懃懃爰奉

御容於樓之東楹至日

躬親瞻仰用申依戀樓西偏精藍三楹為寫心精舍額曰日就月將聯曰今昔感頻增縑茲風露寸分陰並惜寄彼縹緗為恭謁

神御時臨憇之所寺基在甫田叢樾之東左傍

宮牆後環列水樂成閣峙其東北春好軒敞其東南
松牖雲扃花香鳥語誠龍象之福徵也

御製文

永佑寺碑文

辛未

昔如來以法王御世宏濟人天徧現十方虛空不住顧
其安立道場必在靈山寶地鷲峯鹿苑精舍莊嚴蓋聖
蹟所留尤福佑之所聚矣我

皇祖聖祖仁皇帝以無量壽佛示現轉輪聖王福慧威神
超軼無上

省方覽勝乃睠熱河建山莊為清暑地因岩壑自然之勢
示茆茨不翦之規

養性怡神從容綜理而風雷之所鼓動雨露之所涵濡神
化周通不疾而速猶佛之林間燕坐灑落安禪而說法
則聲震大千度生則施洽羣有也予小子蚤年隨侍仰
見我

皇祖清晏娛遊無逸乃逸對時育物天地同流至於今彈指三十餘年秋獮之餘時復稅駕於此松雲如舊榱桷翹瞻感

陟降之在庭思報

思而薦福遂即山內萬樹園之地創立精藍爰名永佑固不特鐘魚梵唄足令三十六景借證聲聞我

皇祖聖日所照千秋萬歲後子孫臣庶無不永如在之思是即釋迦之耆闍崛山金剛法座天龍擁護相好依然

而朕之繩

武寧

親祝

釐養

志者於是乎託庶其無忝

前志云爾

永佑寺舍利塔記

甲申

自辛未奉

慈輦南巡於夫招提蘭若轉輪祝

釐無不虔奉

金根隨喜檀界乃識所謂金陵之報恩武林之六和歸而
欲肖之以延

鴻筭無何而一不戒於火其一將成而圯龜玉毀於櫝有
司者不能辭其責也雖然予豈肯以工作微過而責人
於是一無所問且或者如形家之言北方其誠不可如
南方之為塔乎則有誌過之作永罷塔而弗為然同時

之建於熱河之永佑寺者不可中止恐其蹈轍乃命拆其弗堅及築不如式者而概易之石越十歲甲申宰堵乃成巋然峙於避暑山莊較京師為尤北則堪輿風水之論固不足憑此亦默有以啟予之心不必信八會地節之濫陳禍福以聳聽乎若夫工匠於未經試繩墨者棘手瞠目亦人情之常不必畏難塗廢而棄前功於無用也然是塔經營之初實為四衛拉特來歸西師籌畫之始至自今大功告成伊犁耕牧日以開闢而堵坡法

輪舍利迴煥所謂有志者事必成儒釋雖殊途其理則一也茲故詳誌其事而於刹工僧祇化城福田之說則略之抑以金剛六如雖調御相好有所弗屑何有於塔也塔陰勒避暑山莊百韻詩敬闡

皇祖巡狩之義欲以垂範永世乃予本意後人讀是碑者當以繼

武詰戎為兢兢正不必以闡象教期利益為亟亟則思過半矣

御製詩

永佑寺瞻禮

皇祖神御感成長句

己卯

靈臺經始庶民攻逐處

奎章仰

聖蹤

神御肇禋思

所喜

祖思如昨報何從恬文嬉武戒常凜揚

烈覲光志益恭三十七年春鼓夢涼風白日感重重

永佑寺瞻拜

神御作

癸未

永佑義從恩佑建

考容敬奉

祖容旁

山莊以

皇祖素喜遊憩之地於甲戌年即恭奉神御每來必展拜去歲始敬擬並奉

皇考御容茲至
山莊祇謁行禮維欽

雲日心無數益勵繼繩志不違樂利男耕將女織

昭回水態與山光年年萬樹宴新附敢曰能承少謝囊

永佑寺瞻拜

神御作

甲申

下馬先瞻

神御宮觀揚惟切一心中砌蟲仍是向來韻庭樹又披今

度風穹塔傑碑落巍煥

是年舍利塔初落成碑以誌事

祖功

宗德並高崇幸逢秋穡將登稔待歲殷懷

昔日同

千畝山田待歲豐
皇祖御製詩句也

永佑寺瞻拜

神御作

乙酉

上塞如中禁奉尊

神御同虔瞻又隔歲翹想切微衷砌浥秋花露簾掀古樹

風

勲華垂萬禩佑啓賴無窮

永佑寺瞻禮

神御紀事

丙戌

祖功

宗德萬年垂每至欽瞻有所思問已庶幾未隕越勤民詎
曰致雍熙於今率土猶懷

惠自昔為君重繼

貽堂額紀

恩御園創合將事例述於斯

康熙壬寅春

皇考奉

皇祖於圓明園之牡丹臺

觀花侍宴以予名奏聞遂蒙

眷顧育之宮中其年

即扈侍山莊

賜居於萬壑松風日承

提命歷

夏間秋為時最久今歲於御園顏堂日記

思并為

記以述承

恩所自始

付託所寄重而誌予兢

業勉副之意茲拜瞻

神御迴溯昔蹤

將於舊所居室亦仿御園題額用中感慕

永佑寺瞻禮

神御有述

丁亥

羹牆猶想像

雲日近昭臨每至先瞻謁無違善繼心秋風今古颯庭樹

歲年侵蒙

業安惟永持盈敬益深

詣永佑寺瞻禮

神御

戊子

神御欽如在山莊況

所欣萬年

家法示永衣

去聲

德言聞過雨山容淨拂風花氣芬樓前呈色相依舊似歌

薰

永佑寺瞻禮

庚寅

神御崇居雲日懸到來謁必致誠虔萬方樂利恒貽後百

世繼繩可忘

前遊豫倍思稚齡日春秋閱忽六旬年明朝更值重讀

詔

每逢

遺詔三十五年恒如一日也

皇考忌辰必敬讀

撫已追懷倍黯然

永佑寺瞻禮

辛卯

一年一度仰

如雲是日秋風豁霽氛綠水青山恒悅

聖繩

前啓後示為君幼齡

恩育那能忘望歲虔求祇益勤將撫新來行慶賞庶幾
昭鑒有餘欣

永佑寺瞻禮作

壬辰

層樓

神御仰

雲天午日當庭塔影懸

祖德

宗功誠浩浩肯堂矧構益乾乾壁題幸有柔遐句

去歲瞻禮有將

撫新來行慶賞庶幾爾庖特歸順也去歲未來者將以今秋宴賞之

昭鑒有餘欣之句謂土

途況

欣成獲麥篇新附更番遠朝覲優恩三接例依前

永佑寺瞻禮

神御敬成長句

癸巳

大田膏雨喜優霑至止山莊景倍添永佑拜叅攄悃悵
重樓傑峙聳清嚴承

先示後惟存敬保泰持盈在守謙默祝

慈寧

錫康健年年欣慶奉

來瞻

永佑寺瞻禮

甲午

禮固從來由義行到斯瞻仰敬摠誠儼然見矣欽

神御久以化之慙

顧成水鏡雲紳昔

聖蹟田耕井鑿此民情承庥蒙業惟勤疊違取云云望邛

平

漢史顧成之名師古已斥服虔之非即應劭所云制度卑狹若顧望而成於義亦無所取卑宮室則可卑宗廟則不可也獨如淳謂若尚書之顧命為近之蓋顧命者顧子孫而命之顧成者顧子孫之守成耳然身存而為廟漢諸帝遂以為家法斯實不經因用此字並申其說如右

永佑寺瞻禮

乙未

繼繩何處不欽思

知遇偏深此地悲四十年哉

以即位言之

有成愧六旬歲矣故

吾嗟雖云旰食還宵衣

去聲

未致民安與物熙永佑即今

祈

佑者軍營早晚遍紅旗

永佑寺瞻禮

丙申

下馬先攄瞻禮誠

層樓神御曉曦晶屢申此日養

親志敬法

當年避暑情夕惕朝乾敢或懈勅幾律已戒其盈紅旗三

捷歌耆定祈

佑叨

恩幸武成

昨歲瞻禮句云永佑即今祈
晚逆紅旗自去秋及春紅旗三捷

逆黨全俘武

成耆定茲展謁之下彌感
惟益凜持盈敬承

嘉貺於無斁耳
神御垂庥

永佑寺瞻禮 己亥

至止先茲瞻禮虔

祖功

宗德日中天惟欽

巍蕩垂萬世不覺光陰閱兩年頗幸雨暘以時若正愁隄

堰未工堅

自去歲七月河決儀封之十六堡屢築屢衝至今尚未合龍深以為慮

今朝肅

擗申誠處為憶前番益淚漣

永佑寺瞻禮

庚子

功祖

德宗垂萬禩年年謁必於初來以云無忝惟欽爾設曰有
恢實愧哉此際拜茵多感慨前巡掖

輦異追陪敢增

神御蹈豐昵松鶴

齋名
母昔時所御

聖惟應一寫哀

永佑寺瞻禮

辛丑

皇祖當年喜此居自應

神御奉如初禮因義起言思彼

仁以

憲章事報予至必先瞻欽繼述念惟切已敢舒徐不期梗

化回猖亂復此有征盼捷書

撒拉爾番回肆逆一案已屢有詩紀事昨阿桂奏川

省屯練土兵等到齊欲令預恚華林山勢及進兵路徑先於閏五月初三日派海蘭察明亮等帶領阿拉山馬兵及屯練兵由龍尾山繞至華林山西南斜撲賊卡又派舒亮等帶滿漢奮勇兵過溝由山南直壓賊卡額森特及伍彌泰等在山坡山梁分路策應除鎗砲藏賊不計數外三次攪戰約殺賊六七百名現擬於初九初十兩日尅期大舉四路攻圍以期一舉殄滅晝夜惟望捷音速至耳

永佑寺瞻禮

壬寅

山莊

皇祖創垂崇到必虔瞻申緬衷詎祇

几筵欽舊蹟益思宵旰勗微躬渴懷傳說霖為雨漫擬重
華薰鼓風塞外行宮奉

神御皇清威德古誰同

登永佑寺舍利塔作歌

甲申

玲瓏九層塔江南則夥江北無我因南巡忽欲肖傑構
曾倣六和報恩之塔於京都一圯一燬終弗歲厥事亦
吟誌過之作語出於衷實非誣同時建於此者乃無恙

鑒前轍命改築為以徐閱十年斯巍然成宰堵秋巡拾
級乃得暢意觀宏模八窓洞達琉璃道曾非枝撐蔽虧
之處尋幽途上造天門通顓氣其下惟有青雲扶列水
咫尺細似帶塞山遙拱圍如郭豎窮萬古橫遍十方界
到此一彈指頃皆空諸何況形家之言本誕幻區分南
北為拘墟是塔與京師所建同時經始或因二塔通然中輟或於形家南北異宜之說不知山莊更
在京師之北又何以試看舍利光煥永佑蠡林閭因之
稱記中已詳及之
詰戎馭遠懷久圖

登舍利塔

七首

千仞俯瑤林九層聳玉臺金輪昨初就石闕此重

去開聲

八窓朗洞達萬級拾崔嵬西戶齊山紫東欄馮水迴拱
積出雲霞鈴響驚風雷雨足忘微勞一心無點埃於以
泯色相乃復愛徘徊欲待夜深時應有神燈來

聖母登舍利塔恭紀

壬辰

永佑寺中舍利塔

聖慈每到必斯登

八旬有一如常健

億萬斯年信可徵

天與壽因

德與壽歡無勝更望無勝九層窳堵夫何幸

視履恒瞻

福履增

六月朔日紀事

甲午

昨晚霖霑曉霽今爽風落宇曙光霽良時敬以掖

慈輦朔旦因之

禮拓提

即招提也
見增輝記

大德躬應五福備

高年塔復九層躋

永佑寺內舍利塔高九層
每至必登其巔
聖壽八旬有三躋

陟如常實萬年
福壽之徵益深

額慶
一層祇祝增十歲

聖壽當同宰堵齊

恭侍

聖母登舍利塔喜而成什

丙申

山莊朝爽了無炎

慈輦梵宮奉

拜瞻

曼壽已登八十五堵波猶陟九層尖似茲

健步佛仙佑益切衷心愛慶薰

大德自應具四得千秋彤史孰曾覘

寫心精舍作

癸酉

鼓樾建蕭寺

甫田鼓樾三十六景之一地既平敞爰建精藍名曰永佑以誌

皇祖之恩於無

窮精舍構其側名寺曰永佑寫心舍之額一時此徘徊
千秋誌

恩澤流水與行雲夫何有無迹

寫心精舍

乙亥

欲因山水覓知音精舍居然向碧林大塊何曾鎮韜蘊
高秋常自効深沉翠烟低處巖鳴鹿白浪衝開渚下禽
觸緒由來成靜觀

去聲

不知寫者更何心

寫心精舍

丁丑

精舍傍花宮面勢向平楚構室就喬柯結宇依淨土不
聞清梵音雅愛幽禽語間者有餘樂予惟無逸所宵旰
念民瘼拮据繩

祖武偶藉詠卷阿寫心良可覩

寫心精舍

戊寅

層樓奉

神御精舍構其右寫心則不無繼

武誠奚有言念甫韶齡何以蒙

恩厚

聖顧直注今敢不勗授受勤政勵渺躬籌治惠黔首安內
逮厥外慎始要以久惟是

羹牆瞻矐乎益覺後

寫心精舍

庚辰

每到瞻

神御因教憩寫心卅年忽成古

一念注於今敢不益黽勉安能忘敬欽怡情曰山水未矣

詎知音

寫心精舍

辛巳

每至思

皇祖今朝

皇考思益深悲

序繼實恐負

謀貽武幸臻耆定豐惟祈屢綏向誰寫心是無我息肩

時

八月廿三日

皇考忌辰題寫心精舍

壬午

去歲園前駐

去歲此日亦駐此曾有詩

今年園後來永思歎時迅迴

憶輒神摧

祖德貽遊豫

宗功仰擴恢並當奉

神御恒此寫心哀

寫心精舍

癸未

精舍永佑旁向曾名寫心問心於何寫繼述予日欽

勤民視如傷畏

天凜難諶崇文慮文恬詰武戒武淫

祖功與

宗德如日月照臨遊巡貴有事寧在盤山林

寫心精舍得句

癸巳

永佑寺中此精舍瞻拜禮畢恒憇臨憫如聞悲優如見
顯以昔愧承以今空空色祇山月照謾謾庭遶松風吟把

筆不知何所道付之風月寫予心

寫心精舍

甲午

此而懷

昔此居今心寫那更

平聲

曰寫心逝水光陰無喻速

如天承顯祇生欽庭曦仍是

恩暉照林籟寧非

解愠音少小惟知侍

色笑何期鬢髮亦霜侵

寫心精舍

乙未

精舍永佑寺之傍寺之為言義可詳詎止祇園修象教
試看大理與太常古人定名原有以久假不歸屬緇黃
祈佑在此豈在彼紹庭陟降思時覆我欲寫心弗忍寫
中心藏之何日忘

寫心精舍

丙申

萬事及萬物無不由心者心為一切本則皆心寫也而
此曰寫心殊覺風牛馬然亦有可說義或出般若色空

即空色寫心仍心寫過者是去年來者為今夏而皆不可得孰真復孰假

寫心精舍作

己亥

神御樓之側精舍幽而雅每因成小憩近率逢仲夏叶山
靜日方長景合子西也槐陰及松籟別我兩年者胡為
如是乎撫心不能寫

寫心精舍作

辛丑

神御樓側置精舍我向題額名寫心瞻拜之餘此小憩憩

思紉繹昔至今曰悲曰慕曰繩繼恐致隕越臨難詰適
百里半九十慎終如始惕益深寸田尺宅萬幾蘊
家法一字無逾欽

寫心精舍

士寅

書屋曰寫心問心如何寫繩繼固瞠乎安阜絕茫也即


如河之決瓠子歌愁惹屢望屢債事絕望益沒把

豫省堵築

青龍岡漫口屢敗於垂成因命于上游南岸履看地勢
為改絃更張之計嗣據阿桂奏請于蘭陽三堡至商邱
添築南隄一道開挑引河導水下注商邱歸改絃別成
入正河大溜勢必全掣約於秋冬間竣事

河成在秋冬者此際豈真愬我豈民誠捨

水月菴



水月菴 在山莊內西北隅東嚮門外石坊一

御書額曰光涵上下聯曰印不即離間是相非相悟最
澄明處內空外空後額曰圓徹中邊聯曰山靜塵
清水叅如是觀天高雲淨月喻本來心門額石為
水月菴內殿三楹供水月大士相額曰普陀善現
聯曰雲岫無心叅自在石泉不垢見真如菴當西
嶺深處山之半曰山心精舍由精舍後達西嶺山
巔一笠登陟愈高為放鶴亭云

御製詩

水月庵

壬午

一嶺迴隔西東竺庵石徑曲通如是花宮林下何殊寶
月水中真機不藉僧梵清華亦有松風空翠庭陰忽落
問誰習寂義公

水月庵

水月竺庵如是住山心精舍適於旁欲因動靜標仁智
不向異同論幻常

水月庵

癸未

一區竺宇萬山中無路其間有路通是水何妨皆是月
如如大士坐觀空

過嶺遂至水月庵

甲申

一障隔東西陟高易降低因乘功倍局遂步熟由蹊石
棧曾非遠竺庵宛若後夕陽別嶺上滿谷晚涼淒

水月菴

乙酉

飛來懸宇駐岬嶠大似廣寒霄漢高試看崖枝將礪葉

也如碧海舞波濤

水月菴

丙戌

梵區本在萬山中達觀去聲原如水月同下界每因翹絕

頂廣寒何異麗虛空不生波處心恒定大寂光天相去聲

總融未可於斯便止步梅檀林有路還通

下東嶺遂至水月菴

丁亥

自西降東謂之下自東升西謂之上東西升降本何常
由人謂之遂成象日之夕矣降東宜步步陰鋪就涼爽

竺菴水月碧山凹恰似冰輪呈潏沆適纔較量胥戲談
大士如如不動想

水月菴

戊子

樹色千峯翠浪流花宮懸是廣寒秋於中大士如如坐
問爾起心分別不

水月菴

己丑

逕似虹橋有路登月天天水映空澄來瞻恰值中元節
燃百千燈祇一燈

過東嶺遂至水月菴 辛卯

自東而升嶺謂西自西而升嶺謂東崇岡橫拖豈有改
以人分別致不同適坐夕佳樓攬山氣爛爛葉影翻丹

翠秋暄未免意向涼圖就峯陰皜曦避巖樓已自高近
天畧陟數武嶺造巔由斯就下乃甚易峯陰步步隨人
遷熱則喜涼寒喜暖誰恒其情誰知滿水月菴中大士
云如來轉物物物轉

水月菴 壬辰

波翻萬樹碧瀛同如是中間梵宇通水月漫言虛想像
琉璃界本廣寒宮

水月菴

癸巳

憩息既已久陟降亦言歸山棧下盤旋林光鎖翠微竹
庵當路中依岩闢禪扉屏營禮大士水月相去聲依稀是
室豈維摩不希花雨飛

水月菴

甲午

盤磴下崇椒岬嶸更幾曲就平得小菴弗莊嚴尚樸白

衣坐大士如月水中浴言一猶不可何況以二目解者
曰千江真成狗尾續

過東嶺至水月菴

七未

自西而東謂之東自東而西謂之西彼嶺何曾有分別
人自東西強謂之所以蒙莊真達者著論欲使物物齊
今朝適從剏得陟背夕陽指錘峯錘卓立當水月菴戶
如如大士蓮座後我來屏息一瞻禮向所謂者擬啓咨
是第一諦抑二諦無言之示含天倪

水月菴 丙申

盤旋仄棧落斜深路便歸途竺宇尋大士蓮花鬚上坐
如如常聽海潮音

山心精舍 辛巳

山心有招提恰似水中月大士坐如如清淨衆香醇返
聞得真寂孰髓孰為骨蔚翠自有常受虛總無竭適從
西嶺下聊就北齋歇即目與題名匪云學禪悅

山心精舍 壬午

信步入山深窈窕延幽賞攢簇羅諸峯變幻含萬象風
吹林葉多秋肅鹿聲響白泉細愈颯丹楓踈益朗精舍
竺菴旁計地纔盈丈披窓數衆竒歷若指諸掌

山心精舍

洒然精舍築山陲小憇雲窓攬衆竒雙嶺迴環作闔闔
一峯孤柱是鑪錘化工真閱煙霞表道堯非從色相窺
不約而來竭爾去普門水月證無為

山心精舍

癸未

舍構半山腰如月水中養暑熱不屢登為在雲間仰今
朝陰而風巖扉覺颯爽因之命筍輿數入息黃緣上歷
險欣得夷入狹攬益廣種松纔拱把期以凌霄長

山心精舍

甲申

四鄰青障護一逕白雲穿精舍花宮側虛窓月宇懸種
松期合抱放鶴任昂肩憇坐觀元化錘峯正面前

山心精舍

乙酉

精舍普門傍趣佳委宛藏虎聲隔林聽鶴羽向峯翔東

澗落漲水西巖隱夕陽攀躋原覺熱憇坐頓生涼

山心精舍

丙戌

水月菴邊構精舍秋山四面此為心
向東一綫開虛白
正映鍾峯返照臨

山心精舍

丁亥

菴傍精舍衆山心翠展屏風具四臨
觸目何曾勞應接
興懷惟是契深沉
收雲萬樹生新色
過雨千谿吐細音
著句便成成便去
所欣芥蕙了無侵

山心精舍

戊子

林嵐宵映處精舍構其間到此意為寂偶然幾值閒空
青淨秋氣潑黛沐峯鬟安得長居是仝喬與往還

山心精舍

辛卯

菴旁精舍號山心繚曲因之復窈深庭有香泥鹿留跡
樹多嘉蔭鳥耽吟一窓風月偶來往四壁詩書自古今
瞥眼不知幾閱歲種松枝幹已森森

山心精舍

壬辰

菴旁精舍在久矣號山心地靜宜成憇徑通不藉尋峯
猶落伽境樹是海潮音願力知無分隨緣且獨吟

山心精舍

癸巳

子輿氏有言心之官則思是舍山之心其思當屬誰窻
色納山光新題鄰舊詞是即其思否精舍曰不知

山心精舍

甲午

水月菴傍精舍山心自我名之彼水固為假彼斯山豈
是真斯昨去今來偶爾花香鳥語不移足識安心竟矣

會麼慧可大師

山心精舍

乙未

陟降就畝平精舍仍山心菁蔥雖四圍隙處具俯臨假
借以為名其義原可尋取象艮為山其德止則湛在止
於至善正心聖經歲豈徒緣賞佳吾將勉自今

山心精舍

丙申

竺宇邊傍精舍攝坐欣九夏似深秋不因儒墨尋陳迹
已忘去聲筌蹄此偶遊忽過來親林下鹿可呼相狎海中

鷗山門正與東峯對

謂鍾峯

鑪錘

去聲

之間看舉頭

山心精舍

庚子

精舍構山心悠然靜且深以遙不常到偶暇一相尋
窻納紫青態庭饒空翠陰鹿聲聞弗見疊樹鎖林岑

山心精舍

壬寅

仄迳盤迴下輿人亦已勞憩言有精舍遊目值秋高
閨始豁隨現放彌卷密韜山心我心得無物此中撓

放鶴亭

壬午

或有貢鶴者綵籠巧莊校曳尾塗中龜筭藏非本好艱
飛羽已翦仰食喉空叫憐其類乘軒榮不存所樂叶深
山叢樾間放去任騰掉一歲養翼成二歲和子效原在
山莊中施亦有佳報林家明聖致張氏雲龍調於我何
有焉我意其明告既以遂煙霞亦以省梁稻叶貴適生
物性非學幽人操

放鶴亭對鶴作歌

癸未

去年放鶴因名亭今年鶴在如有情棲松友鹿頗適性

餐風飲露已養翎四柱何曾與為檻鶴自不去生吾感
豈伊猶憶稻粱恩此而放之翻覺憊嗟哉物類有若斯
掉頭去者誠何為

放鶴亭放歌

山心已陟半山高累衍西嶺實不遙過嶺即可造創得
事半功倍難辭勞適百里者半九十自畫未可中路拋
因之賈勇復前進或輿或步為清遊小亭又在嶺之半
去年放鶴因名標鶴去不知向何處中銷拍手徒呼招

爾又非張氏之僮林氏僕翩然羽客豈能俛首逐逐隨

爾曹

戲題放鶴亭用今春雲龍山放鶴亭韻


乙酉

相如一笠搆山巔放鶴亭茲第四傳

前詩雲龍瀛嶼虎
邱巔都有亭因放

鶴傳蓋彼三
處皆有之

笑我題詩亦已屢幾曾高致似坡仙



欽定熱河志卷七十七